

Ն. Ս. Պատմալյան

ՊԱՅՄԱՆԻ ԱՆՇԱՂԿԱՊ ՆԱԽԱԴԱՍՈՒԹՅՈՒՆՆԵՐԻ
ԿԱՌՈՒՑՎԱԾՔԱՅԻՆ ԱՌԱՋՆԱՀԱՏՎՈՒԹՅՈՒՆՆԵՐԸ
ԱՐԴԻ ՀԱՅԵՐԵՆՈՒՄ

Բարդ նախադասությունների համակարգում հատուկ տեղ են գրավում նրանք, որոնց բաղկացուցիչ մասերը չեն կապակցվում շաղկապների կամ հարաբերական բառերի օգնությամբ:

Որպեսզի երկու պարզ նախադասություններ ստեղծեն մեկ բարդ նախադասություն, նրանք պետք է սերտորեն միացած լինեն թե՛ իրենց ձևով, թե՛ բովանդակությամբ: Եթե շաղկապավոր բարդ նախադասությունը իր ձևական միասնությունն ու ամբողջականությունը ստեղծում է հատուկ օժանդակ բառերի միջոցով՝ շաղկապներով ու հարաբերական դերանուններով, ապա անշաղկապ բարդ նախադասությունը զրկված լինելով կապի այս ձևական ցուցանիշներից՝ իր ներքին միասնությունը ստեղծում է կառուցվածքային ուրիշ միջոցների օգնությամբ:

Իհարկում խոսքում միասնական ամբողջություն ստեղծելուն շատ է օժանդակում ինտոնացիան, որը նախադասությանը տալիս է ոչ միայն տարրեր նշանակություններ ու երանգներ, այլ նաև օգնում է բարդ նախադասության ձևի ստեղծմանը: Սակայն, անշաղկապ բարդ նախադասության բաղադրիչ մասերի միջև եղած իմաստային փոխհարաբերությունների լոկուսը որոշելիս չպետք է ելնել միայն ինտոնացիայից, որովհետև այն հատուկ է միայն բանավոր խոսքին: Պետք է հիմնական ուղադրությունը դարձնել բարդ նախադասությունների ներքին կառուցվածքային կախվածության վրա, որն էլ պետք է դիտել որպես անշաղկապ բարդ նախադասությունների բաղկացուցիչ մասերի իմաստային փոխհարաբերությունների արտահայտություն:

Ռուս քերականագիտության մեջ տարածված է այն կարծիքը, որ անշաղկապ բարդ նախադասությունները չի կարելի բաժանել համադասականի և ստորադասականի, որովհետև նրանք չեն միանում համադասական կամ ստորադասական շաղկապներով ու հարաբերական բառերով¹: Այս տեսակետին պետք է մոտենալ վերապահորեն, որովհետև բարդ նախադասությունն մասերի միջև եղած իմաստային փոխհարաբերությունները արտահայտվում են ոչ միայն շաղկապների և հարաբերական բառերի օգնությամբ, այլ նաև քերականական այլ միջոցներով՝ շարահասության, բայերի ժամանակների հաջորդականությամբ, եղանակավորող բառերի օգնությամբ և այլն, որոնց դերք բարդ նախադասությունների մասերի կապակցության և նրանց միջև եղած իմաստային փոխհարաբերություններն արտահայտելում հատկապես ակնառու է անշաղկապ բարդ նախադասություններում:

¹ Տե՛ս Գրамматика русского языка, II т., Москва, 1954, էջ 382:

Մեր նպատակն է այստեղ, հողվածի ընձեռած հնարավորությունների սահմաններում, բացահայտել պայմանի անշաղկապ նախադասությունների կառուցվածքային առանձնահատկությունները:

Ժամանակակից հայերենում շատ տարածված են պայմանի անշաղկապ նախադասությունները: Նրանք շատ են հանդիպում գեղարվեստական գրականության մեջ և հատկապես բանավոր խոսքում (գիտական գրականության մեջ անշաղկապ բարդ ստորադասական նախադասություններ սովորաբար չեն օգտագործվում): Սրանք այն բարդ նախադասություններն են, որոնց բաղադրիչ մասերի՝ պարզ նախադասությունների միջև եղած պայմանի իմաստային հարաբերության արտահայտման համար չեն օգտագործվում կապակցության հատուկ միջոցներ՝ շաղկապներ: Ստորադասական հարաբերությունը այս նախադասություններում արտահայտվում է նրանով, որ որևէ գործողություն իրականացնելու հնարավորությունը կախման մեջ է դրվում ուրիշ գործողությունից:

Պայմանի իմաստային հարաբերություն ունեցող անշաղկապ բարդ ստորադասական նախադասություններն ունեն հետևյալ կառուցվածքային առանձնահատկությունները.

1. Գլխավոր և երկրորդական նախադասությունների շարադասությունը այս նախադասություններում ազատ չէ: Որպես կանոն, պայմանի երկրորդական նախադասությունները անշաղկապ կապակցության ժամանակ լինում են առաջադաս: Օրինակներ.

«Երեմ մանեք ունենամ՝ կտանեմ հացի կտամ, կբերեմ կուտեք» (Թումանյան):

«Չլինեք այդ ձյունակույտը, երկուսն էլ կջախջախվեին» (Խանզադյան):

Բերված օրինակներում առկա է պայմանի ստորադասական հարաբերությունը: Երկրորդական նախադասությունները դրված են առաջադաս և ցույց են տալիս աճյա պայմանը, որի առկայության դեպքում միայն կարող է կատարվել (կամ կատարվում է) գլխավոր նախադասությամբ տրված գործողությունը:

2. Պայմանի երկրորդական նախադասության և գլխավորի անշաղկապ կապակցության մեջ նշանակություն ունի նաև ինտոնացիան, որի դերը մեծ է հատկապես բանավոր խոսքում: Երկրորդական նախադասությունը, որը, ինչպես ասվեց, լինում է առաջադաս, ունի նախադասության վերջում բարձրացող ինտոնացիա, ըստ որում առանձնապես շեշտվում է նախադասության ստորոգյալը: Դրան հաջորդում է մի փոքր դադար, ապա արտաբերվում է գլխավոր նախադասությունը: Երկրորդական նախադասության բարձրացող ինտոնացիան ցույց է տալիս, որ նախադասությունը դեռ չի մերջացել և ցրանով էլ հանդիսանում է բարդ նախադասություն կազմելու օժանդակ միջոց: Հաճախ պայմանի երկրորդական նախադասությունը ունենում է հարցական ինտոնացիա, իսկ գլխավոր նախադասությունը՝ պատասխանի: Գրավոր խոսքում ինտոնացիան արտահայտվում է կետադրության միջոցով: Պայմանի երկրորդական նախադասությունը բաժանվում է գլխավորից ստորակետով, բովով, երբեմն նաև միջակետով. իսկ երբ երկրորդական նախադասությունը ունենում է հարցական ինտոնացիա, նրա ստորոգյալի վրա դրվում է հարցական նշան (տես՝ նախորդ, ինչպես նաև հաջորդ օրինակները):

3. Պայմանի երկրորդական նախադասությունն պարունակող անշաղկապ բարդ նախադասությունների կառուցվածքային առանձնահատկություններից ամենակարևորը բայի եղանակների ու ժամանակների հաջորդականությունն է, որի միջոցով ոչ միայն իրացվում է կապը գլխավոր և երկրորդական նախադասությունների միջև, այլև նրանց միջև եղած պայմանի հարաբերությանը տրվում է տարբեր փմաստային երանգներ: Գլխավոր նախադասության մեջ բայի ժամանակների օգտագործումը ազատ չէ և կախված է այն բանից, թե ինչ եղանակ և ժամանակ է օգտագործված պայմանի երկրորդական նախադասության մեջ:

Գլխավոր և երկրորդական նախադասությունների միջև կապող է առկա լինել բայի եղանակների հետևյալ հաջորդականությունը.

ա) երկրորդական նախադասության ստորոգյալը, որով նկարագրվում է գլխավորի գործողության կատարման համար անհրաժեշտ պայմանը. դրվում է ըղձական եղանակով, իսկ գլխավոր նախադասության մեջ նրան համապատասխանում է պայմանական եղանակ: Վերջինս ցույց է տալիս, որ գլխավոր նախադասության մեջ նկարագրված գործողությունը կատարելու համար անհրաժեշտ է որոշ պայման: Այս դեպքում գլխավոր և երկրորդական նախադասությունների ստորոգյալները ժամանակով համաձայնվում են (երկուսն էլ դրվում է կամ ապառնի, կամ անցյալի ապառնի ժամանակներով. օրինակ՝ «Ձյունը մի քանի րոպե էլ էս թափով զա, մի մետր կնստի» (Ն. Զարյան): «Սովորական եղանակ լինե՛ր, մենք դժվարություն չէինք զգա» (Լեո):

Գլխավոր և երկրորդական նախադասությունների մեջ օգտագործվում են ըղձական և պայմանական եղանակների ապառնի ժամանակներն այն դեպքերում, երբ նկարագրվում է որոշ պայմանի առկայության դեպքում ապագայում կատարվելիք հնարավոր գործողություն: Օրինակներ.

«Մեկին մեր գյուղում մի թիզ հող ունի, ր'ես՝ մի ծերից մյուս ծերը կընկնի» (Թումանյան):

«Մի անգամ էլ ասե՛մ, կպարեմ» (Մահարի): «է, ասեմ՝ բոց կըլնի, շասեմ՝ խոց կլինի» (Սեկոյան):

Այս կառուցվածքի նախադասությունները շատ են տարածված հատկապես ժողովրդական առածների մեջ: Օրինակներ՝

«Գեղ կանգնի, գերան կկոտրի»: «Տուն փոխես՝ տնով մեկ կ'անդվես. գեղ փոխես՝ գեղով մեկ»: «Լեզուն չըլնի, ագռավները աչքերը կհանեն» և այլն («Հայկական առածանի»):

Այս նախադասությունների միջև եղած փմաստային փոխհարաբերությունները կարելի է անվանել պայման—հետևանքային, որովհետև գլխավոր նախադասությամբ նկարագրված գործողությունը դիտվում է որպես երկրորդական նախադասության գործողությունից բխող հնարավոր հետևանք (տես վերևի օրինակները):

Ըղձական և պայմանական եղանակների անցյալի ապառնի ժամանակները օգտագործվում են այն ժամանակ, երբ պատմվում է անցյալում՝ որոշակի պայմանի առկայությամբ հնարավոր, բայց չիրագործված, տեղի չունեցած գործողության մասին, կամ այնպիսի գործողության կամ եղելության մասին, որի իրագործումը համարվում է անհնար՝ դրա համար անհրաժեշտ պայմանի բացակայության պատճառով: Օրինակներ՝ «Սրտներս սեպեց էր.

դանակ տալի՜ր՝ արյուն չէ՛ր կարիլ» (Թումանյան)։ «Աշխարհքը իրան տալի՜ր՝ աշքը էլի մրջյունի տարած մեծ դարի հատիկի վրա կըլնե՛ր» (Խաչակյան)։ «Առաջվա առողջությունս ունենայի, օրական րսան անդամ կլվանայի» (Թափալցյան)։

Նույն իմաստն արտահայտելու համար գլխավոր նախադասության մեջ կարող է օգտագործվել նաև սահմանական եղանակի անցյալի վաղակատար ժամանակը (այն համապատասխանում է երկրորդական նախադասությանը՝ ըզձական եղանակի անցյալի ապստոսուն)։ Այս դեպքում ավելի է ընդգծվում գործողության կատարման հնարավոր եղած լինելը. օրինակ՝ «Քո խաղողն ինձ տված լինեին, հիմի մի կով էի առել» (Սեկոյան)։ Գլխավոր նախադասության մեջ կարող է հանդես գալ այն ժամանակ հարաբերությամբ, որով ավելի սերտ է դառնում գլխավոր ու երկրորդական նախադասությունների կապը, խնայես նաև ընդգծվում է նրանց՝ պայմանի իմաստային փոխհարաբերության մեջ եղած ժամանակի իմաստային երանդը (ընդհանրապես բոլոր պայմանի երկրորդական նախադասություններն էլ ունեն ժամանակային հաջորդականություն իմաստային երանդ, որովհետև ենթադրվում է, որ գլխավոր նախադասության գործողությունը միշտ հաջորդելու է երկրորդական նախադասության գործողությանը)։ Օրինակ՝ «Հանգիստ լինե՛ր իսկզ՛նս, արդար լինե՛ին իմ գործերը, ա՛յն ժամանակ թեկուղ բոլոր աշխարհը կանգնե՛ր իմ դեմ, ես չէի ընկնվի» (Մուրացյան)։

Այս դեպքում, երբ գլխավոր և երկրորդական նախադասությունների ստորոգյալները զրվում են ժխտական ձևով, ցույց են տալիս իրականության մեջ արդեն տեղի ունեցած գործողություն և հավասարաթեք են հիմունքի նախադասություններին. օրինակ՝ «Չլինե՛ր Յլիկ Ամրամը, Գուդարքն ու Տայքը չէին բաժանվի հայոց թաղավորից» (Մուրացյան)։ Այս նախադասությունն իր արտահայտած իմաստային փոխհարաբերությամբ հավասարաթեք է «Գուդարքն ու Տայքը բաժանվեցին հայոց թաղավորից, քանի որ կար Յլիկ Ամրամը» նախադասությանը։

Այստեղ գլխավոր նախադասությունը ցույց է տալիս արդեն կատարված գործողություն, որի կատարումը սակայն անհնար կլինե՛ր, եթե տեղի չո՞ւնենար կամ առկա չլի՞ներ երկրորդական նախադասությամբ տրված գործողությունը կամ երևույթը։ Վերջինս պայման է հանդիսացել գլխավոր նախադասության գործողության կատարման համար։

Երկրորդական նախադասության մեջ ըզձական եղանակի անցյալի ապառնի ժամանակի օգտագործման դեպքում գլխավոր նախադասությունը կարող է զրվել հարցական ձևով։ Դա ցույց է տալիս, որ նրանում նկարագրված գործողությունը կատարվել է, տեղի է ունեցել, բայց չէ՛ր կատարվի, եթե իրագործվե՛ր երկրորդական նախադասությամբ տրված պայմանը. օրինակ՝ «Գլուխը քարը, գոնե փող լինե՛ր, էլ ինչո՞ւ էսքան մարդ գանգատ կանե՛ր» (Թումանյան)։

Ըզձական եղանակի անցյալի ապառնի ժամանակի ժխտական ձևին գլխավորի մեջ կարող է համապատասխանել սահմանական եղանակի անցյալ հարակատար ժամանակը, որն այստեղ օգտագործվում է ոչ թե իր բուն նշանակությամբ, այլ պայմանական եղանակի անցյալի ապառնու Այստեղ ընդգծվում է, որ գլխավոր նախադասությունում տրված գործողությունը չի կատարվել կամ չի կատարվում միայն երկրորդական նախադասությամբ

տրված պայմանի առկայության հետևանքով. օրինակ՝ «Ձիներն իմ ընկերները թեկուզ մի օր, նա կուրած էր անդառնալիորեն» (Վ. Անասյան):

Այս նույն իմաստն արտահայտելու համար գլխավոր նախադասության մեջ օգտագործվում է նաև պայմանական եղանակի անցյալի ապառնի ժամանակը, օրինակներ. «Ձիներ նրա սառնասրտությունը, աեղից կբարձրանա, դուրս կտաներ որդուն» (Սևոնց): «Պատերազմ չլինե, ուրիշ բան, կշարունակեիր կրթությունդ» (Խեչումյան): Միայն առաջին դեպքում (անցյալի հարակատար օգտագործելիս) ընդգծվում, շեշտվում է գլխավոր նախադասության գործողության հավանական, բայց կատարված չլինելը:

Երբ ըղձական եղանակի անցյալի ապառնի ժամանակին համապատասխանում է պայմանականի անցյալի ապառնու ժխտական ձևը, բարդ նախադասությունը արտահայտում է հետևյալ իմաստային փոխհարաբերությունը— գլխավոր նախադասությամբ նկարագրվում է անցյալում կատարված, տեղի ունեցած գործողություն, որը չէր կատարվի, եթե առկա չլինե, երկրորդական նախադասությամբ տրված պայմանը. օրինակ՝ «Գուցե դու մոտս լինեիր, ես այնպես մենակ, դժբախտ չլինեիր» (Մ. Մանվելյան):

Երբ գլխավոր նախադասությամբ նկարագրվում է մի գործողություն, որի կատարման հնարավորությունը ենթադրվում է որոշակի պայմանի առկայության դեպքում, նրանում որպես ստորոգյալ հանդես է գալիս «կարող է» միադիմի բայը՝ գործողություն ցույց տվող բայի անորոշ դերբայի հետ. երկրորդական նախադասության ստորոգյալը դարձյալ դրվում է ըղձական եղանակի ապառնի ժամանակով: Օրինակ՝ «Քար վերցնեն խփեն, տիկին Բերսարեն կարող է վիրավորվել, շներն վրա ուշադրություն չդարձնեն, կարող է սպառնալ մեկն ու մեկի շալվարը» (Ն. Զարյան):

բ) Երբ գլխավոր նախադասությամբ տրվում է եզրակացություն՝ որոշակի պայմանում կատարվելիք գործողության մասին կամ հորդոր՝ անհրաժեշտ պայմանի առկայությամբ կատարվելիք գործողության մասին, պայմանի երկրորդական նախադասության ստորոգյալը դրվում է պայմանական եղանակի ապառնի ժամանակով, որին գլխավոր նախադասության մեջ համապատասխանում է նույնպես պայմանական եղանակի ապառնի ժամանակով դրված ստորոգյալ (առաջին դեպքի համար) կամ հրամայական եղանակ (երկրորդ դեպքի համար): Երկրորդական նախադասությունը հաճախ ունենում է հարցական ինտոնացիա: Օրինակներ.

«Կկատարվի՞ խնդիրս—լավ, չի՞ կատարվի—խո՞ւս ինձանից մի բան չի պակսիլ» (Շիրվանզադե):

«Կլինի՞ կտան, չի՞ լինի, իրենց փոխարեն կտան հարուստ կոլտնտեսությունները» (Սեկոյան):

«Կհարցենն՝ ասացե՛մ, որ հին ենթակայանի վրա եք աշխատում» (Վերդյան):

գ) Սահմանական եղանակի ձևերը պայմանի անշաղկապ նախադասություններում օգտագործվում են այն դեպքում, երբ նրանում տրված պայմանը, ենթադրությունը վերաբերում է ներկային կամ անցյալին:

Նթե խոսելու պահին ենթադրվող պայմանի առկայության դեպքում ցանկալի կամ անհրաժեշտ է համարվում գլխավոր նախադասությամբ տրված գործողության կատարումը, երկրորդական նախադասության ստորոգյալը դրվում է սահմանական եղանակի ներկա ժամանակով, որին ղխա-

վոր նախադասության մեջ համապատասխանում են ըղձական, պայմանական կամ հարկադրական եղանակների ապառնի ժամանակները. օրինակներ.

«Ով գալիս ա՛ բարով հազար բարի, բա՛ն ա ուզում՝ փող բերի, տանի» (Թումանյան): «Գո՞մ ես կառուցում, ուզում ես մաքագ, էգուց կկանչես կոլ-խոզի ժողով, հարցը կհնչես ժողովի առաջ» (Ն. Ջարյան):

«Չե՛ք ուզում, չենք աշխատի» (Ն. Ջարյան):

Երբեմն գլխավոր նախադասությամբ հորդորվում է կատարել մի գործողություն՝ երկրորդական նախադասության մեջ նկարագրված արդեն առկա պայմանի պատճառով: Այս ժամանակ երկրորդական նախադասության ստորոգյալը դրվում է ներկա ժամանակով, իսկ գլխավոր նախադասության ստորոգյալը՝ հրամայական եղանակով: Պայմանի նախադասությունը այս դեպքում հաճախ ունենում է հարցական ինտոնացիա: Բերենք մի երկու օրինակ.

«Թագավորն է քո թշնամին, կոի՞վ ունես, իր հետ արա» (Թումանյան):

«Առաջա՛րկ ես անում, սպացուցիր» (Խեչումյան):

«Մի կտորը չի՞ հաջողվում, փորձիր մի այլ կերպ» (Մ. Մանվելյան):

Երկրորդական նախադասության ստորոգյալը այս դեպքում կարող է դրվել նաև հարակատար ժամանակով. օրինակ՝ «Մոլորված ես, տանդ ճա՛սփան զտիր... ի՞նչ ես ուրիշների դռները ծեծում» (Սևունց):

Անշաղկապ պայմանի նախադասությունների այս տարատեսակը ես շատ է տարածված ժողովրդական առածների, ասացվածքների մեջ (օրինակ՝ «Ցորեն հաց չունե՛ս, ցորեն լեզու ունեցիր»):

Երբ բարդ նախադասությամբ պատմվում է մի այնպիսի երևույթի մասին, որը սովորաբար երևան է գալիս երկրորդական նախադասությամբ տրված պայմանի առկայության դեպքում, վերջինիս ստորոգյալը դրվում է սահմանական եղանակի ներկա ժամանակով, իսկ գլխավոր նախադասության ստորոգյալը՝ պայմանական եղանակի ապառնի ժամանակով, օրինակ՝ «Լուզ առատ կար է տալիս, աչքով կտան, կցամափի» (Աղավնի):

Անշաղկապ պայմանի նախադասություններում շատ է տարածված սահմանական եղանակի անցյալ կատարյալ ժամանակը, որին գլխավոր նախադասության մեջ համապատասխանում է պայմանական եղանակը: Այստեղ անցյալ կատարյալ ժամանակը օգտագործվում է բղձականի իմաստով և տալիս է պայման հանդիսացող այն երևույթը կամ գործողությունը, որի առկայությամբ ենթադրվում է գլխավոր նախադասության գործողության իրականացումը: Օրինակներ.

«Մի լավ բան քնկավ ձեռքը, ծոցում կրաֆցնի» (Ն. Ջարյան):

«Նա չեղավ՝ ուրիշ կառավարիչ կուղարկեն, բաժիններս կավելացնի» (Ն. Ջարյան):

«Նա ուզեց՝ կլինի, չուզեց՝ չէ» (Ռշտունի):

Հաճախ երկրորդական նախադասության՝ անցյալ կատարյալով արտահայտված ստորոգյալը դրվում է երկրորդ դեմքով, որը բարդ նախադասությանը տալիս է հետևյալ իմաստային երանգը—ցույց է տալիս ընդհանրապես որևէ ենթադրվող պայմանի դեպքում տեղի ունեցող գործողություն (որպես նրա հետևանք): Գլխավոր նախադասության մեջ օգտագործվում է կամ պայմանական եղանակի ապառնի ժամանակը, կամ էլ ստորոգյալը լինում է բաղադրյալ. վերջինի միջոցով նկարագրվում է այն հետևանքը, որը կարող է

առաջանալ երկրորդական նախադասությամբ տրված գործողության կատարումից: Բերենք մի քանի օրինակ.

«Աչքդ բեկեցիր, բանիդ տերը չես» (Թումանյան):

«Մեկ համրանք ուղացար՝ էլ չկա համր» (Դեմիրճյան):

«Չկարողացար՝ կխայտառակի բոլորի ներկայությամբ» (Վերդյան):

«Բախտ չունեցար, կտանջվես ինձ պես» (Վերդյան):

Այն նույն իմաստային փոխհարաբերությունն է արտահայտվում նաև այն բարդ նախադասություններում, որտեղ երկրորդական նախադասության ստորոգյալը դրված է լինում հրամայական եղանակով: Վերջինս նույնպես գլխավոր նախադասության մեջ համապատասխանում է կամ հրամայական եղանակ, կամ բաղադրյալ ստորոգյալ:

Օրինակներ. «Մտի՛ր ակումբը հիմա, մտի՛ր թատրոնն ու կաֆեն՝ Հազար արքա ու Արա կհանդիպես ժպտադեմ» (Չարենց):

«Շրջի՛ր բոլոր ընտրական տեղամասերը, խոսի՛ր բոլոր ընտրողների հետ, ամենուր նույն խանդավառությունն է» («Երևան»):

«Ամառն ինչքան կարաս կա Այգեձորում... Իսկ հիմա՝ նոյեմբերին շրջի՛ր գյուղը՝ ոչ մի կարասի չես հանդիպի» (Անանյան):

«Աշխարհում էս հողի պես հող չկա, մենակ թե դու ջուր տուր նրան, դիմացը բուռեբուռ ոսկի կստանաս» (Սահինյան):

Պայմանի երկրորդական նախադասությունում օգտագործվում է սահմանական եղանակի վաղակատար ժամանակը, երբ գլխավոր նախադասությամբ հորդորվում է կատարել մի գործողություն, որի իրագործման համար անհրաժեշտ պայմանը փրականության մեջ արդեն գոյություն ունի: Գլխավոր նախադասության ստորոգյալը այս դեպքում դրվում է հրամայական եղանակով. օրինակներ՝ «Չորս ընկերներ ուռնել են քաղաքում՝ պաշտպանել հայրենիքը, դուք էլ մեզ հրացան տվեք» (Ն. Ջառյան): «Հիվանդանոցից ես դուրս գրվել՝ ուրեմն ստացիր քո փայլը՝ հանգստացիր մի քիչ» (Արմեն): «Ձեռքդ խաղողի ընկել, ուրեմն նստի՛ր տանը ու ամբողջ օրը կե՛ր» (Աղավնի): Վերջին օրինակներում գլխավոր նախադասության մեջ հանդես է եկել ուրեմն եզրափակող բառը, որով մի կողմից ավելի սերտ է դառնում գլխավոր և երկրորդական նախադասության կապը, մյուս կողմից ընդգծվում է նրանց միջև եղած հիմունքի իմաստային երանգը (այստեղ հիմունքի իմաստային երանգը այնքան ուժեղ է, որ զժվար է որոշել, թե այս երկրորդական նախադասությունները պայմանի են թե՞ հիմունքի):

Պայմանի անշաղկապ նախադասություն պետք է համարել նաև այն բարդ նախադասությունները, որոնցով արտահայտվում է կասկած որևէ գործողության իրագործելիության վերաբերյալ, նրա համար անհրաժեշտ պայմանի անհավանական լինելու հետևանքով: Այս նախադասությունները ունենում են հետևյալ կառուցվածքը—գլխավոր նախադասության ստորոգյալը դրվում է հրամայական եղանակով, իսկ երկրորդական նախադասության ստորոգյալը լինում է բաղադրյալ, ըստ որում հաճախ ստորոգելիական վերադիրը լինում է նույն բայի ենթակայական դերբայը:

Օրինակներ.

«Փրկող ես՝ դու նրան փրկի՛ր» (Սահինյան):

«Նղնիկ կա էնտեղ, այժյամ ու պախրա, կառող ես—գնա էնտեղ որս առա» (Թումանյան):

«Տղամարդ ես, էգուց զնա, բոլոր տեսներք» (Իսահակյան):

«Ձեռք եղում է՝ գլխիդ քսե» («Հայկական առածանի»):

«Կավ՛ն է, դու վերցրո՛ւ»:

Պայմանի երկրորդական նախադասությունը այս դեպքում հաճախ ունենում է հարցական ինտոնացիա: